



**Venerabilis Bedæ Presbyteri Anglo-Saxonis, Doctoris
Ecclesiæ Vere Illuminati Opera Theologica, Moralia,
Historica, Philosophica, Mathematica & Rhetorica,
quotquot hucusque haberi potuerunt omnia**

In Vetus Et Novum Testamentum, Salvberrimis In Moysis Pentatevchvm,
Tobiam & Iobum, Libros Regum, Davidis Pasalmos, Parabolas Salomonis &
Cantica, Prophetas &c. explanationibus & Quæstionibus enodata:
Moralibus doctrinis & expositionibus in quatuor Evangelistarum Evangelia
illustrata: facundissimis ...

Beda <Heiliger>

Coloniæ Agrippinæ, 1688

De minutione sanguinis, libellus

[urn:nbn:de:hbz:466:1-72031](https://nbn-resolving.org/urn:nbn:de:hbz:466:1-72031)

BEDÆ PRESBYTERI DE NATIVITATE INFAN- TIUM LIBELLUS.



Uti in septem nascitur mensibus, si sit masculus, triginta diebus formatur, in quadraginta novetur. Femina, in trigintaquinque formatur, in septuaginta movetur, ducentis decem diebus completur.

Decem mensum masculus, quadragintaquinque formatur diebus, & nonaginta movetur. Femina, in quadraginta formatur, in centum movetur, in trecentis nascitur.

Novem mensum masculus in quadraginta formatur, in octoginta movetur. Femina, in quadragintaquinque formatur suscipit, in nonaginta motum, ducentis septuaginta diebus nascitur. Masculus ideo citius completur, quia sperma unde nascitur, fortius atque calidius est.

De ossibus.

Omnia corporis ossa, sunt quadraginta unum & ducenta: septem capitis, quatuor paria, quatuordecim maxillaria, dentium sedecim, unum pali, duo menti, dentium suorum sedecim, spondiles viginti quatuor, coxarum tres, anni tres, costæ viginti tres, teneritudines octo, spatulæ duæ, capitum spatularum duo, fercularum duo, armorum duo, cubitorum superiorum duo, inferiorum duo, raschæ manuum sedecim, peccinis in manibus octo, digitorum triginta, ancharum duo, calcaneorum duo, navicularum duo, raschæ pedum decem, peccinis in pedibus octo, digitorum triginta.

De nervis, & dentibus.

Omnes nervi pares atque impares sunt triginta. Dentibus sunt quasi quædam plantaria, offibus & mento insita, qui sunt triginta duo, sedecim enim in maxillaribus sunt positi, quorum quatuor in parte anteriori, pares vocantur & quadrupli, lati & acuti, incisores dicitur a medicis, sunt enim necessarii ad incisionem cuiuslibet cibi. Duo vocantur canini collaterales quadrupli, in summitate acuti, in radice verò lati, duris cibis commolendis apti. Sunt & decem alii utrinque quini collaterales quadrupli, lati atque grossi: hi molares sunt vocati, ad molendum enim & frangendum cibum fuerunt necessarii. Iste idem dentium numerus in mento, est intelligendus: hi omnes sunt furcati, sed in eis sunt quidam diversi, alii enim quatuor, alii tres, alii duos, alii enim habent furculam, quadrupli atque pares idem molares tres, posteriores quatuor, primi molares infra positi, duas habent, ultimi tres.

Tres dies & noctes sunt, in quibus si vir natus fuerit, corpus ejus sine dubio integrum manet usque in diem iudicii: hoc est in 6. kalend. Februarii, & 3. kalend. & idus Febr. & suum mysterium mirabile est valde.

Die Dominica hora diurna, sive nocturna qui natus fuerit, magnus erit & splendidus.

Feria secunda, fortis erit.

Feria tertia, cupidus erit, & de ferro moritur.

Feria quarta, tractator regni erit.

Feria quinta, affabilis erit & honorificus.

Feria sexta, rivalis erit & multum luxuriosus.

Sabbato, raro utilis erit.

BEDÆ PRESBYTERI DE MINVTIONE SANGVI- NIS LIBELLUS.



Mni tempore, die ac nocte si necessitas urget in acutis passionibus, oportet phlebotomiam adhibere, præcipuo tempore ab octava kal. April. usque in septimum kal. Junii utilitas est sanguinem detrahendi, quia tunc sanguis augmentum habet. Sed postea observanda sunt qualitates temporum, & cursus lunæ, hoc est, luna quinta, decima, decimaquinta, vigesima, vigesimaquinta, trigesima. In his diebus non oportet phlebotomiam imponere, quia in istis diebus multi medici assuntant, quod infinitus numerus hominum per hanc negligentiam, non observantes qualitates temporum & cursum lunæ, mortui sunt. Nam per omnia observandum est à quindecimo kalend. Augusti usque in nonas Septemb. quos caniculares dies appellant, phlebotomiam imponere, nec catarticum accipere: quia omnes humores tunc mixti sunt, nisi (ut jam diximus) si idus e venerit ex acutis passionibus, aliud fieri non potest nisi feriat, & vastitas vel iniquitas sanguinis evaporetur.

Catartico autem uno tempore, vel ab octava kalend. Octob. usque in octavam kalend. Decembris utile est, quia quod per hyemem & per æstatem corpus in choleram & phlegma contraxit, jam dicto tempore purgari evenit. Si enim diligenter purgatum fuerit, securus à cholera esse potest. Sola observatio ciborum & potus sit, ut quod oportet utatur, & à quibus lædi potest abstinatur. Quid est phlebotomia nisi recta incisio venæ. Quibus locis phlebotomamus, vel pro quibus passionibus, aut qualem venam incidere debemus. Arterias venas in occipicio, propter querelam capitis & meningum passionem, usque ad os mensura quatuor digitorum de aure. De ambis temporibus incidimus, propter effusionem oculorum. De subto lingua, duas propter rheuma gingivarum, vel vitia oris, & dentium dolorem. De fronte tres, propter dolorem capitis, & alienationem in phrenesim. De naribus duas, propter gravitatem capitis & oculorum. De collo duas, propter humorem in capite. De brachio tres, qui per totum corpus reddunt sanguinem, capitanea linea, matricia, capsula. De manu duas, unam super pollicem propter inflationem pulmonis, & aliam de minimo digito propter inflationem splenis. De subto talo infra propter podagricos, phreneticos, sciaticos, vel lumborum, & mulieribus quibus menstrua non veniunt & non concipiunt. De foris duas propter renum dolorem. De super pollice pedis duas propter indignationem testicularum.

Plures sunt dies Ægyptiaci, in quibus nullo modo nec per ullam necessitatem licet homini vel pecori sanguinem mittere, nec potionem impendere, sed ex his tribus maxime observandi, octavo Idus April. illo die lunis, intrante Augusto: illo die lunis, exeunte Decembri; illo die lunis, cum multa diligentia observandum est, quia omnes venæ tunc plenæ sunt.

Qui in istis diebus hominem aut pecus incidit, aut statim aut in ipso die vel in tertio morietur, aut ad septimum diem non perveniet: & si potionem quis acceperit, quindecimo die morietur: & si masculus sive mulier in his diebus nati fuerint, mala morte morientur: & si quis de aëre in istis diebus manducaverit, quindecimo die morietur.

Mense Januario intrante die primo, & exeunte die septimo. Luna ejusdem mensis, prima, quarta, quinta, octava, quindecim, à phlebotomia & purgatione, vel à qualibet incisione abstinendum est.

Mense Februario intrante die octavo & exeunte die septimo. Luna ejusdem mensis decima septima, decimano, vigesimaquinta.

Mense Martio intrante die tertio, exeunte die septimo. Luna ejusdem mensis, decimaquinta, decimaseptima, decima octava.

Mense

Menſe Aprili intrante die decimo, exeunte die undecimo. Luna ejuſdem menſis nona, ſeptima, vigefima.

Menſe Majo intrante die quarto, exeunte die ſeptimo. Luna ejuſdem menſis, quinta, duodecima, decimaſexta.

Menſe Junio intrante die octavo, exeunte die quinto. Luna ejuſdem menſis, quinta, ſexta, ſeptima.

Menſe Julio intrante die decimo ſeptimo, exeunte decimo. Luna ejuſdem menſis, decima ſexta, decima ſeptima, decima octava, vigefima ſeptima.

Menſe Auguſto intrante die quinto, exeunte die decimo quinto. Luna ejuſdem menſis, decimanona, vigefima, vigefima prima.

Menſe ſeptembri intrante die nono, exeunte die nono. Luna ejuſdem menſis, quinta, decima quinta, vigefima quinta.

Menſe Octobri intrante die nono, exeunte die decimo. Luna ejuſdem menſis ſexta, ſeptima.

Menſe Novembri intrante die quinto, exeunte die ſexto. Luna ejuſdem menſis, decima quarta, vigefima quinta.

Menſe Decembri intrante die decimo quinto, exeunte die octavo. Luna ejuſdem menſis, prima, decima quinta, decima ſeptima.

Præterea in menſe. Luna prima, quinta, nona, & decima quinta, & tres dies inchoationis, & tres antequam exeat prædicta abſinentia, obſervandæ ſunt.

Luna prima, tota die eſt bona.

Luna ſecunda, non eſt bona.

Luna tertia, bona.

Luna quarta, in matutino bona eſt.

Luna quinta, non eſt bona.

Luna ſexta, non eſt bona.

Luna ſeptima, tota die eſt bona.

Luna octava, de nona uſque ſerò eſt bona.

Luna nona, non eſt bona.

Luna decima, bona eſt.

Luna undecima, non eſt bona.

Luna duodecima bona eſt.

Luna decimatertia, bona eſt uſque ad nonam.

Luna decima quarta, bona eſt.

Luna decima quinta, non eſt bona.

Luna decima ſexta, inutilis eſt.

Luna decima ſeptima, tota die eſt bona.

Luna decima octava, non eſt bona.

Luna decimanona, melior eſt.

Luna vigefima, tota die eſt bona.

Luna vigefima prima, in matutino bona eſt.

Luna vigefima ſecunda, ab hora ſexta bona eſt.

Luna vigefima tertia, ab hora octava bona eſt.

Luna vigefima quarta, bona eſt.

Luna vigefima quinta, non eſt bona.

Luna vigefima ſexta, non eſt bona.

Luna vigefima ſeptima, tota die bona eſt.

Luna vigefima octava, non eſt bona.

Luna vigefima nona, non eſt bona.

Luna trigefima, non eſt bona.

Quinta, decima quinta, vigefima, vigefima quinta, trigefima, in his phlebotomari prohibetur. A decimo quinto, calend. Auguſti, uſque in nonas ſeptemb. dies caniculares titulantur, in quibus nec phlebotomum imponitur, nec potionem dabunt. Potio verò ab octavo calend. Octob. uſque ad octavum calend. Decembr. utilis eſt.

Omni tempore, ſi neceſſitas urget, phlebotomum eſt adhibendum. Verùm ab octavo calend. April. uſque ad octavum cal. Jun. utiliſſimum eſt ſanguinem detrahendi tempus, quia tunc creſcit ſanguis in homine. Poſtea obſervatio temporum & curſus Lunæ habenda.

BEDÆ PRESBYTERI DE SEPTEM MVNVI MIRACVLIS LIBELLVS.



De ſeptem miraculis mundi, manu hominum facti. Quod primum eſt, Capitolium Roma, ſalvatio civium, major quam civitas, ibique fuerunt gentium à Romanis captarum ſtatuar, vel deorum imagines, & in ſtatuarum pectoribus nomina gentium ſcripta, quæ à Romanis capta fuerant, & tintinabula in collibus eorum appenſa. Sacerdotes aut pervigiles diebus & noctibus per vices ad harum cuſtodiam curam habentes intrdebant: ſi quælibet earum moveretur ſonum mox faciente tintinabulo, ut ſcirent quæ gens Romanis rebellaret. Hoc autem cognitio, Romanis principibus verbo vel ſcripto nunciabant, ut ſcirent ad quam gentem reprimendam exercitum mox deſtinare deberent.

Secundum.

Pharus Alexandrina ſuper quatuor cancos vitreos per paſſus viginti ſub mari fundata eſt. Hæc namque mirum, quomodo tam magni canci fieri poſſent, vel quomodo deportari & non frangi valerent, qualiter fundamenta cæmentitia deſuper hæere potuerint, vel quomodo ſub aqua cæmentum ſtare valeat, & quare canci non franguntur, & quare non lubricant deſuper jacta fundamenta.

Tertium.

In Rhodo in ſula Coloſſi imago ærea centum triginta ſex pedum fuſilis facta: hoc mirum qualiter tam immanſa moles fundi potuiſſet, vel erigi & ſtare.

Quartum.

Quartum miraculum ſumulacrum Bellerophontis ferreum cum equo ſuo in ſumma civitate ſuſpenſum, in aëre ſiſtere, nec catenis penditur, nec deſuper ullo ſtipite ſuſtentatur, ſed magni lapides magnetum in archivolis habentur, & hinc & inde in aſumptionibus trahitur, & in menſura æquiparata conſiſtit, eſt autem æſtimatio ponderis circa quinque milia librarum ferri.

Quintum.

Quintum miraculum theatrum in Hætacla, de uno marmore ita ſculptum eſt, ut omnes cellulæ & manſiones muri & antra beſtiarum, ex uno ſolido que lapide factum eſt, ſuper ſeptem cancos de ipſo lapide ſculptos appendens ſuſtinetur: & nemo in gyro ipſo tam ſecrete, aut ſolus aut cum aliquo loqui poteſt, quod ipſum non audiant qui in gyro ædificij ſiſtunt.

Sextum.

Sextum miraculum, balneum, quod Apollinus Tianaus cum una candela conſecrationis incendit, Thermas perpetuo igne ſine ulla adminiſtratione calentes fecit.

Septimum.

Septimum miraculum, templum Dianæ, ſuper quatuor columnas, prima fundamenta percuffa ſunt arcuum, dein paulatim ſuccreſcens ſuper quatuor arcus eminentiores lapides arcibus prioribus ſuppoſiti. Super quatuor, octo columnæ, & octo arcus poſiti: inde tertio ordine æquæ ponderatione per quatuor partes ſuccreſcens, ſuper eminentiores lapides poſiti. Super octo ſexdecim fundati ſunt: ſuper ſexdecim, triginta duo: iſte quartus eſt in quinto ordine ſexaginta quatuor columnæ ſinem faciunt tam mirabilis ædificij.